

مستطابق

درسه‌داده باب عالی جاده‌سند
اداره مخصوصه
محل اداره :

مستطابق موافق آثار جدید مع المنونیه
قبول اوانور
دروج ایدله‌ن آثار اعاده اولغاز
انظار :

دین ، فلسفه ، ادبیات ، حقوق و علوم‌دن باحث هفته‌لق رساله‌در

درسه‌داده نسخه‌بی ۵۰ پاره‌در

مؤسسه‌ری : ابوالاعلا زین‌العابدین - ح . اشرف ادیب

قبرله‌دن مقوا بورو ایله کوندریلیرسه سنوی
۲۰ غروش فضله آلنیر

تاریخ تأسیسی :
۱۱ خمرز ۳۲۴

سنه‌لکی	القی آیانی	درسه‌دنده
۶۰	۳۰	ولا یاتده
۸۰	۴۰	مملک اجنبیه‌ده
۸۰	۴۰	

درسه‌داده پوسته‌ایله کوندریلیرسه ولایات بدلی اخذ اولنور.

ایکنجی جلد

۱۰ ربیع‌الاول ۳۲۷ پنجشنبه ۱۹ مارت ۳۲۵

عدد : ۳۲

درجده اولسندن متولددر . یوقه ، اوکا تاقین فضائل ایدلکه باشلانجه یواش یواش ارشادات وجدانیه سنی دویمغه مجبور اولور .. اویله ایسه بوکا (حریت نفسانیه) دینلمسی دها دوغریدر .. حریت وجدانیه ، حریت شخصیته نك صرف جهت محسناتی تشکیل ایدر . اونك جهت سیئاته حریت وجدانیه تعبیری بو مقدس کلمه بر حرمتسزلك ، بر افترا اولور .. حریت نفسانیته نك ده اساسی دوشو . نیلیرسه بوکا اك دوغری ، اك مناسب بر تعبیر اولارق . « اسارت حیوانیه » دینلمایدر .. چونکه : فحش ، عشرت کی حرکات وافعال منحوسه نك اجراننده ، بشریت ، حر اولمقدن زیاده حیوانیتك اسیریدر ...

ایشته آوروپاده بو احوال ملوته حریت وجدانیهدن عدایدیلهرک قافه قونسرلر ، بالور ، وسائر نتیجهده فحشه منجر اولغی تسهیل ایدن مواقع مشئومه افراده کشاده بولنور ، وبو سببله ملت انسانیتی اونوتهق حیوانیته تابع اولور ، انقراض اخلاقی مدھش بر سرعتله ایدریله یور ، زواللی بشریت هرکون باشقه باشقه الواح فبیعه قارشیسینده ایله یور ، سعادت حقیقیه حیات محو وھا اولور ، و آئی حیات ملت کشف و پر ظلام سحابب مبهمه نك آغوش خلجان آور اکثرابنده نه اوله جنی بیلنم یور ، بوتون افراد اولدور یجی ، بوغیجی ابھاملر ، سیاهلقلر آره سنده حیاتلرینك مسعودیت حقیقیه سنی غیب ایدیور ، وبوصورتله ملت مخوف وخشیت انکیز بروادی انقراض و انحطاطك مزهره فلاکاته ! دوغری سوروکلیور ، سوروکلیور ...

بناء علیه آوروپا قوانین مدنیه سنك حیات اجتماعیه اوزرنده معنویات و اخلاق عمومیہ نقطه نظرندن نه الیم جریحه لر ، نه فجیع ادبارلر تولید ایلدیکی آرتق قطعاً مرتبه ثبوت واریورکه بو حقیقت دهاشه نك قارشیسینده آز چوق متبه اولماق ، بونی کوروب قوانین بشریتك سعادت و رفاهنی موجب اوله جق بر صورتده تعدیل و اصلاح ایله یهرک تطبیقنه چالیشماق انسانیت بر جانیتر ! .. چونکه : یوقاروده ده مفصلاً بحث ایتدیکم مواقع ملوته نك موجودیتی ، عشرتک عمومیت استعمالی ، فحشیاتك کثرت وقوعی وسائر سوء اخلاقی موجب حرکاتک اجرانی جمیتی نه حاله کتیردیکی ، آئی حیاتی ناصل مظلم ومبهم بروادی انقراضه دوغری یو وارلادیغی غیرقابل انکارایکن ، وبوکا قانونسزلقدن و یا قانونلرک نقصانیت و خطیئاتدن باشقه هیچ برسبب کوستریله میه جکی بر قطعیت منطقیه و ریاضیه عربانلیله میدانده ایکن اونلری هر خصوصده تقلید ایدرک رهبر اتخاذ ایتمک باشقه بر تعبیرله تعریف وتوصیف ایدیله مر .. واقعا بز آوروپالیرک ، مدنیتمدن ، صنایعندن ، معارفندن استفاضه ایله مک هم شدتله استفاضه ایله مک مجبورز ، بورجلیز .. لکن اونلرک عادتلرینی ، اخلاقلرینی ، حرکاتلرینی ده قطعاً مالکسزه ، وطنسزه صوقامق ضرورت و احتیاج جنده یز ... فقط شریعتمز تطبیق ایدلندن ، اونك احکام علویه ومینه سته توفیق حرکات ایتدن آوروپالیرک کالاتی تبیع ومطالعه

ایدرسه ک ، بو فکر عالی ومستحسنمزك حصولی ایچین چالیشیرکن ، اونلرک او مشئوم عادتلریله ، اخلاقلریله ده آلوده اوله جغمز محققدر . بوکا شمیدیکی حالمز بر برهان جلیدر .. بو خصم بی امان اخلاقه قارشى قویه جغمز یکانه بر قوت وارسه اوده شریعتدر .. باشقه هیچ ، هیچ بر شیه موفق اولامیز . بونك ایچین شریعتمز تطبیق ایتمکله برابر آوروپایی آکلامغه چالیشیرسه ق پک آز زمان ایچنده نجه آملز نائل اولورز .. چونکه : شریعتمز عینی زمانده ، بزم ایچین ، جدی وحقیقی ، شفیق و حمایتکار بر مشوق صمیمی و پرمعالیات ، وجناب خلاق اعظمک اوامرو ارشاداتیله مجهزومزین برسائق متین دینیدر ...

بوکون آوروپا حکمسی بیله غربک انقراض مؤلم اخلاقیسی قارشیسینده ایله یهرک ، اصلاحنه غیرت ایدرلرکن ، بزم المزده کافه احتیاجات بشریتی محتوی بر قانون اکمل الهی بولسیدیغی حالده ، بوتون احکامیله تطبیقنده مستغرق تردد ، دوشونیورز .. انکار اولنه ماز بر حقیقت ازلیه درکه شریعتمز ، بشریتك سعادت وترقیسنی انتاج ایده جک بالمله وسائط واسباب ایله چالیشمغی اصلاً منع ایتمز . اونك نهی ایلدیکی ، جائز کورمیدیکی جهتلر ، صرف لوئیات ایچنده چالیشمق ، انسانیتك فلاکتیه سبیت ویرمک ، بشریتی مضمحل و پریشان ایده جک وسائطه مراجعت ایله مک ، انقراض اخلاقی بی موجب اوله جق احوال و حرکاتده بولمقدر . اویله ایسه بلاخوف و پروا دیه بیلیرمکه شریعت مطهره مز بزم هیچ بر زمان فلاکتسزه سبب اولیه جق ، بالعکس هر وقت سعادت و تعالیمزک ، ترقی وتکاملمزک طلوع مشعشع ومقدسینی حاضر لایه جق ، شاهقه معزز موجودیتیه ایصال واصعاد ایده جکدر ...

صلوح الدین عاصم

مد نظر فکر

مادیونک شبهاتیله بونلرک بطلانی

بن هنوز مسائل فلسفیه طالمایه رق بونك ایچون ایجاب ایدن علوم ایله اوغراشدیغیم زمانلر وجود خالق انکار ایدن بر عاقلک بولنه جغنی کال حیرتله تصور ایدردم . زیرا دوشوندکجه ؛ ملحدین ایچون بویله بویله بر بهتان شین آوری ، بویله بر هذیان باطلی تفوهه نصل مساع اوله بیله جکنی آراشدیردجه یأس وحیرت ایچنده قالیر وبویله عقلک هیچ بر صورتله قبول ایدمه جکی بر ادعایی حقیقت اولق اوزره ایلری سورنلره قارشى غیظ وغضبمدن آتش پوسکورمک درجه لرینه کلیردم . باخصوص بوسوزی علوم عالیه وملکات راسخه اربابندن ایشتدکجه ، میدانده الحاده بر سبب کوره مدیکم حالده ، صوک درجدهده متحیر اولوردم . ایشته اوزمان بو آدملرک بر اهینه ، دلائله مطلع اولق ایستردم .

مع مافیه نم بو آرزوم اعتقادمده شهیم اولدیغندن دکل ، آنجق بوکی

افکار عجیبه نك ماهیتى ، نهدن ایلری کلدیکنى اکلامقدن نشئت ایدوردی .

وقتا که عون حقه عصر حاضر فلسفه سنک دقائقه ، بوالحدی مباحثک حقیقه بنم ایچون اطلاع میسر اولدی ؛ کوردم که دینسزلرک استشکالاتی ، دلایلی [بیلمم اونلرک بویولده کی سوزلرینه دلیل اطلاق جائزیدر ؛] بر جنون تسلیمدن ، بر هوس فلسفیدن باشقه هیچ برشی دکل ایش . اوت ، انسان ایشه براز وقوف حاصل ایدنجه بر طرفدن خنده استخفافه سزا اولمقه برابر ، دیگر طرفدن وجدانی متاذی ایتکدن کرى طور مایان اوکی او هامدن کنیدینى محافظه ایتسی ایچون حضور قدرته سر بزمن سجود اولمقدن منع نفس ایده من .

باخصوص شرقلیلردن بر چوغنکده بوکی ملحدلرک ردی ممکن اولمایه حق درجهده قوتلی براهین علمیه لری ، دلایل فیه لری اولدیغه قناعت کتیردکلرینی کورنجه عجله قاره لادیم مغالطه لرینی سرد ایتیه مجبورت کوردم . تا که اولا براهین علمیه دیه ایلری سورولن سوزلرک عقلک قطعاً قبول ایتیه جکی ، علمکده هیچ بروقت تأییدینه یاناشمایه جنى واهی بر طاقم سفسطه لردن عبارت اولدینی ؛ ثانیاً بو آدملرک جوهر انسانیتلرینه عارض اولان برخستلاق سائقه سیله فطرت بشریه دائر سندن خارج بر موقعه قالدقلى ، یوقسه باشقه برشی اولمادینى نظرلرده تحقق ایتسون .

هله شو صوک سوز ملحدلرک حضيض الحاده دوشملری حقنده بوله سیله حکم اسبابک اک معقولیدر که قارئین کرام اونلرک غایه مباحثه اطلاع پیدا ایدنجه شبهه سز بوتعلیل وتوجه مبدن طولانی بنی معذور کوره جملکردر .

دینسزلر اولیه ظن ایدورلر که ارباب ایمان نظرنده خالق دنیا ده کی پادشاهلرک عیندر . یالکز تختگاه سلطنتی زمینه بدل آسمانه قورولمش اریکه جلال وعظمتدن لایستماع فرمانلر اصدار ایدور . دون انفاذینی اراده ایتدیکی بر حکم قطعی بی بوکون بر شفیعک شفاعتی ، یاخود بر توسطکارک نیاز ودخالتیه کرى آلیور ؛ حتی بوذهبابک عمومی بر اعتقاد اولدینی ذهنلرنده ایجه یرلشدیکی ایچون بر چوق یا کلش افکاره صاپورلر که بوندن عقلایی تنزیه لازمدر . ایشه سزه بر مثال : علامه شهیر اوستیدک « کائنات بر حکمت ازلیه نك محکوم فرمانبردر . او حکمتک آثارى بزه طبیعتده ثابت اولان بر طاقم قوانین واسطه سیله تجلی ایدر . » طرزنده کی سوزی دینسزلرک خوشنه کیتمدی . ازجهه بوخنر معتقدلره عزو اولنان اوتهمت باطلک سوقیه دیدی که : « حکمت ازلیه نك قوانین ثابته طبیعت ایله اتحادی کیمسه طرفندن تصور ایدیه من ، حاکم اولان یا اوقوانین طبیعه در ، یاخود حکمت ازلیه در . اگر حاکم حکمت ازلیه ایسه او حالده قوانین طبیعه یه لزوم یوقدر . اگر امر بر عکس ایسه اوزمان قوانین طبیعه حاکم اولمق لازم کلیر که بوده هر نوع مداخله سماوینک وجودینی نفی ایدر . »

علمه عین ایدرم که بویه براستشکالک رویتدن آریحق نصیبی اولان

بر عاقلدن صدوری غایت غریبدر . هیچ بوخنر کی بر آدم ایچون قابلمیدر که بوقوانین طبیعه نك بوتون اجزای کائناتده اجرای فعل ایدن حکمت ازلیه الهیه نك آئارندن باشقه برشی اولمادیغنی و اوقوانینک حد ذاتنده قطعاً مستقل بولمادیغنی دوشونه مسون ؟

لکن امان یاربی قدرتک نه بویوکدر ؛ باقیکنز ایشه بوخنر بودعو اسنی ینه کنیدیسی نقض ایدیور ؛ سرد ایتدیکی استشکالک فسادینه ، خبری اولمقسزین ، ینه کنیدیسی دلیل کتیریور :

انکلتزده دهشتلی بر قولرا ظهور ایدرک بیکلرجه حیاتی محو ایلدیکی بر زمانده (اوقلیروس) جمعیتی باش وکیل لورد بالمرستونه مراجعتله اهالی یه برکون اوروج طوملری وبومصیتک دفعی جناب حقندن نیاز ایتلری ایچون بر امرنامه عمومی اصدارینی تکلیفده بولمش . لورد بوکی حادثاتده عبادتک ، دعا نك تأثیری اولمایه جغنی ، آفتک آنحق وسائط صحیه یه توسل سایه سنده ازاله ایدیه سیله جکنى سویله مش . بوخنرک بوجواب غایت خوشنده کیتمش ده لوردی بر مقاله سنده ثنا ایتمش . ایشه شو جمله اومقاله دندر : « فصل تصور اولنور که شارع اقدس کنیدیسه یالوارانلرک دعاسیله ، بکاسیله ازله وضع ایتمش اولدینی قوانین ثابته یی نقض ایتسون ؟ »

باقیکز کنیدی سوزینی فصل نقض ایدیور . چونکه استاد اوستیدی رد ایچون سوبیلدیکی سوزلرده حکمت ازلیه ایله متحد قوانین ثابته نك وجودینی تصوره امکان یوقدر ، دییوردی ؛ بوراده ایسه خالق اقدسک بالذات واضع و مخلوقاتی اوزرنده اونک احکامیه حاکم اولدینی قوانینک سیرینه معارض اوله جغنی استبعاد ایدیور .

اوت ، شیمدی قارئین دیه بیلیرلر که بوسوز نفی خالق ایچون بر دلیل اولمادیغنی کی شایان التفات براستشکال صورتنده نه قبول اولنه ماز . دیرزکه ، بلکه ده اوله در . لکن ملحدینک شبهاتی مطالبه ایتک ، استشکالاتی اوکر تمک ایسترسه کز زمانکزک بر ساعتی اونلرک بوقیلدن اوله رق شو صحیفه لره نقل ایتدی کمز سوزلرینی تدقیقه حصر ایده جک قدر بر متانت کوسترملیسکز . هم ظن ایتیکز که قلبکزی اونلرک طرفه اماله ایده جک بر سوزه راست که جکسکزده فکر یکزی بوکا قارشی مدافعه یه اجباره مجبور اوله جقسکز . اوت ، واقع دینسزلرک خرافاتی اوقومادن اونلرک افکار عالیه اصحابندن اولدقلى رینه دائر بر ظن ایدینه بیلیرسکز . لکن بو ظنک بطلانی بالاخره عیاناً تجلی ایدر .

ایشته سزه ایکنجی بر هذیان که استخفافه لیاقتی اولکیسندن آز دکلدر : بونلرک زعمنجه خالقک موجودیتی ایچون کائناتدن خارجه اولسی لازم ایش . بزه صورارسه کز بولزومک نره دن کلدیکنى سیله مدیکمز کی موجوداتک سبب اولی اولان ذات کبری انک بوعالمدن خارج اولسی ایجاب ایده جکنى فصل تصور ایتدکلرینی ده آکلایه مایز . انسانک ایکی شی آرهنده کی اتصاله ، یاخود انفصاله حکم ایده بیلمسی ایچون اوایکی شیک آیری آیری شکلی ، ماهیتی ، هر برینک ثابته ، صورتنه ملابس اولان صفتلری ، عرضلری بیلمسی لازمدر . پک

اعلا، یا بو آدمیر بو عالم مادی نیک کنهه، ذات الهینک حقیقته واقف اوله بیلیمشلمی که موجودات ایله موجود آره سنده انفصال اولمق لازم کله جکئی ادعایه مساع بولیورلر ؟

مشهور هودسن تتل دیورکه : « ذره ناجیزدن عقل انسانی به وارنجیه قدر بو عالم هستیده نه وارسه جمله سی تغیر ناپذیر اولان بر طاقم قوانین ثابت نیک محکومیدر . بناءً علیه کائناتک صانع یوقدر . » سبحان الله ! بو آدمیر عالم کونده جاری اولان واونک اوزرنده اجرای سیادت ایدن نظامی، ذرات کائناتک هر برنده متجلی اولان حکمت بالغه بی وجود خالقده دلیل بیله جکلری؛ اونک عبثله، خرافات ایله اشتغال شایه سندن مزه یته برهان اتخاذ ایله جکلری یرده کورویورزکه بالعکس بوقدر شهودی نفی صانه هجت مقامنده تلقی ایدیورلر !

بونلر اوله توهم ایدیورلرکه خالقک حال و شانی دون یاپدیغی بوکون بوزان، بوکون باغلا دیغی یارین چوزمه یه قالدیشان . الحاصل هوا وهوسنک مملوکی اولان ملوکک حال و شانک عینی اولمقندن باشقه درلو اوله مازمش .

عجبا اراده، حکمت، اختیار خصائصنه مالک برفاعکک وجودینی تصدیقه هانکیسی ده ازیاده سائقدر : آره لرنده نظام و ترتیب اولمقسنزین بربری اوزرینه ییغلمش طاش پارچه لریمی ؟ یوقسه یونتولش، جلا ویرلمش، مکمل برنسبت هندسی ایله اوست اوسته قونه رق جیزه ده کی اهراملردن بریسی کی میدانه چیقان طاشلرمی ؟ شیمدی بوذواتک عقلنه قالیرسه اولکیسی اوله جق، ایکنجیسی دکل ! بوده خاطری صایلیر برجنوندلر .

حیاتیه قسم ایدرم که انسان مادیونک طوتدقلری اومشوش اصوللریله اومعکوس سوزلرینی توفیق ایچون نه قدر اوغرا شیرسه اوغرا شسون . نهایت یاس وحیرت ایچنده قالیر . ایشته بونلردن برطاقنی کورورسکزکه طبیعتک فوق التصور برنظام و تدیر ایله متکون، تغیردن آزاده برطاقم قوانین ثابتیه منقاد اولدیغی؛ اونظامات وقوانینده مندمج حکمتک الک پارلاق، الک نافذ افکارک بیله وارمه یه جنی برمرتبه بالاترینده بولندیغی اعتراف ایدرده صوکره بو ابداعدن، بو نظام محکمدن ملکنده ایستدیکی کی تصرف ایدن برصانع مختاره احتیاج اولمادیغی استنتاج ایلر .

دیگر برطاقی ایسه اجزای طبیعتدن بعضیسی چیرکینک ایله، حکمتسزلکه اهرام ایدرک اولکی فرقه نک چیقاردینی نفی صانع نتیجه سنه بو صورتله واصل اولور .

استاد غیل خلقته قارشلی لسان اعتراضی دراز ایدرک دیورکه : « استاد ووکت جنسینک اعضای تناسلی حامل برچوق ختی حیواناتک وجودینی مشاهده ایتمشدر . بونکه برابر بو حیواناتدن هیچ بری کندی کنیدیسی تلقیح ایده میورمش . [ختی حیواناتده تلقیح فعلی واقعدر . بناءً علیه بو ادعا طوغرو دکلدز .] پک اعلا، بویله بر ترکییدن نه فائده مأمولدر ؟ کذلک حیوانات میاننده اوقدر بول ذریتلیر وارمش که کندی حاللرینه بر اقیلمسه بر قاج سنه ظرفنده دکزلری،

قاردلری طولدوریورلرلمش : بونلرک وجودنده نه حکمت تصور اوله بیلیر ؟ »

ایشته بونلرک هپسی استاذک زعمنجه آهنگ خلقتده برخللدز، حکمتدن عاریدر . . . حال بوکه حضرتک هندسه سنه کوره موجودات نظام حاضرندن چوق دها بدیع بر نظام اوزرینه تشکیل اولمق قابل ایدی ! دیورکه : « طبیعت ایچون وجود بشری طویلرک، قلیجکلرک ضرباتنه، هیچ رخنه دار اولمقسنزین مقاومت ایده جک صورتده تکوین ایتک ممکن ایدی . »

بیلسم که مادیونک سرد ایلدیکی سوزلر آره سنده بوقدر علنی بر تناقض نهدن ایلری کلیور ؟ علمه استناداً میدان آلان بوسربازانه کفت وکولر نهدر ؟ ایی اما ناس بو آدملردن نه بکلیرلرکه کائناتک هر ذره سنده تجلی ایدن بدائع نظر پیرایه قارشلی باصره انصافلری عمادار اولمشده قالمشدر جمال فوق الحیال مطلق هیچ وجودی اولمایان برطاقم نقائص ایله شایه دار ایتک ایستیورلر !

ایشک غایتی اوبدائعک سرینی ادرا کدن، ماهیتی احاطه دن عاجز قالدقلر ایچون اکلامادقلری حقائقه دلیل اوزاتمغه یلته نیورلر . بزشیمدی جهان طبیعتک حکمت و کالدن عاری، بلکه فساد ایله مالی اولدیغی ادعا ایدن بو آدملری براز کندی وسوسه لرله برابر بر طرفه براقلمده علامه بوختری اله آله م؛ سبب الحادینی صورمه؛ باقم اوده بوقیلدیمیدر یوقسه باشقه درلومیدر ؟

حضرت (ماده وقوت) نامیه میدانه چیقاردینی کتاینده دیورکه : « هیچ برمکانده، حتی فضاتک تلسقوبله مشاهده ایتکده اولدیغمن اک اوزاق مواقعه ده بیله نظام طبیعت محکوم اولمایان، اوندن مستثنا اولان برشی یوقدر . بناءً علیه بو کائنات اوزرنده اجرای تأثیر ایدن واوندن متمیز بولنان بر قوه مطلقه نک ضروری الوجود اولدیغی اعتقاده انسان ایچون نصل مساع تصور اوله بیلیر ؟ »

نه قدر غریبدر ! بو خنر بنیان الحادینی اولکنه بوسبتون مخالف براساس اوزرینه قورویور . حال بویله ایکن عقلی باشنده بر آدم بونلرک طرز استدلاللرندن، نتیجه یه صورت وصوللرندن نصل اولورده حیرته قالماز ؟

انسان قالمسه بونلردن بر قسمنه موجودات آره سنده کی انتظامی کوشترسه هر ذره ده جلوه ساز اولان غایت ابداعی، بوتون مکنونی احاطه ایدن حکمت بالغه یی تأمله دعوت ایدرک بو صورتله اونلری برصانعک وجودینی اقرارده مضطر براقسه، موجوداتک کالی نفی خالق ایجاب ایدر، ادعاسنده بولنان دیگر بر فرقه چیقار دیرکه : « اوت، ایشته بو حال کائنات اوزرنده بر متصرف مختار بولندیغنه دالدر . زیرا بو حکمتک، بو نظامک دوام استقراری تمامیه بونی کوستریور . » کویا بونلر هیچ بر شیده هیچ بر متصرف تصور ایده میورلرکه بوکون یاپدیغی یارین بوزار طاقدن اولسون .

صوکره انسان یته قالمسه ده دیگر بر فرقه یه دونه رک اجزای کائنات

افندی حضرتلری طرفدن ویریلوب تقویم وقایعده منظور من اولان
تقریرک صورتیدر :

مجلس مبعوثان ریاست جلیله سنه

« بوهفته ظرفنده وروذ ایدن مصر مطبوعاتده مدارس اسلامیة
پیتنده تکمیل وانتظام اعتباریله بر موقع ممتازی بولنان الازهر مدرسته سی
مداوملری حقنده مجلس عمومیمزک اعیان قسمندن اولوب مصرده
امور اوقاف نظارتیله اشتغال ایتمکده بولندینی بیان اولنان خلیل حماده
باشا جانبندن لزوم اصلاحاته متدائر اولان طلبلرینک ردی بولنده
ضرب وشم و تحقیر صورتلریله معاملات اعتسافکارانه وقانون شکنانه
روا کورلیدیکی وحرکات مذکوره دن ناشی علیهنده تعقیبات قانونیه
اجرا ایدلمکده اولدینی بیان اولنسنه وممالک اسلامیة نك همان بالعموم
انحاسندن مدرسه مذکوره یه شتاب ایدن وبالغ ورشید اوله رق عددلری
یکرمی بیکه قریب بولنان طلبه نك هیچ بر قانون مدینک قائل اوله میه جنی
صورته فلقیه وضع صورتیله اشکنجه وتعذیب اوله رق بلا حکم
جزا دیده ایدلملری علم اسلامیت وانسانیتی بغایت متأثر ایتدیکی مطبوعات
مذکوره نك جمله مرویاتندن بولنسنه منی حماده باشانک اوراجه اوقاف
نظارتی وظیفه سی درعهده ایتمی وبویله حق ومعدله مخالف حرکتی
مجلسم نظرنده مدخول اولسی ایجاب ایتدیکنه کوره حائر اولدینی
اعیانلق صفی حقنده نه کی بر معامله جریان ایتمش اولدینک هیئت
اعیان ریاستندن تحریراً سؤال ایدلمسی تکلیف ایلرم . »

بروسه مبعوثی

محمد طاهر

تقویم وقایعده عیناً مندرج رسمی ضبطنامه نك اشبو تقریری ولی
ایدن قسمندن، تکلیف واقعت مظهر قبول اولسی ایچون متخلقی بولندینی
حمیت وغیرت دینه نك آثار مشکوره سی مجلسده بالدفعات اثبات ایتمش
اولان مبعوث فاضل حاجی قاسم افندی حضرتلری طرفدن مظاهرت
ومعاونت ایدلیدیکی مستبان اولمقده در .

تذکره احوال یادماضی

ماضی حیاتمه عائد خاطراتمی ذهنمده محفوظ اوله بیلیدیکی قدر قید
ایتمک ایستدم . بو آرزوم احوال ووقایع حیاتیم جهت جهت مرآت
عصر اوله بیلور مطالعه سنه منی در . بر عصرده بولنان بر آدمک خصوصیت
حالی منسوب اولدینی هیئت اجتماعیه نك او عصرده کی عادات و اخلاقی،
آداب اجتماعیه سی تماشای ایتدیرر . طریق زندکانیده او غرانلمش
بعض وقایعده اولورکه انک مطالعه سی قارئنده بر حس انتباه او یاندیره بیلور .
یازدیغم شیر علی الاکثر حیاتمک طرز جریانی حکایه ایدیلن ازمئه

آره سنده کی تباین شدیدی ، مخالف عظیمی مقام احتجاجده سرد
ایتسهده بونک کنه ابداعنی آکلامق ، فضای بی انتهای قدرتی اولچمک
قابل اولیان بر صانع متصرف ومختارک وجودینه دلالت ایده جک بر
برهان اولدینغی سویله سه اوزمان دم اولکیلر ایاقلانه رق دیرلرکه : « یا امراض
والامک وجودنده کی حکمت نه در ؟ نه دن طبیعت هرکون ، هر ساعت
ناقابل تعداد بر چوق وسائط ظلم وشدتله مخلوقاته هجوم ایدوب
طوریور ؟ .. »

بز دیرزکه : صدق الله العظیم . وکان الانسان اکثر شیء جدلاً .
ان الانسان لظلوم کفار . ان الانسان خلق هلوعاً . وضرب لنا مثلاً
ونسى خلقه . باقیکر انسان دنیلن شو مخلوق محضا کنیدیسی محیط بولنان
آلام ومصائب سایه سنده حلاوت ادراکی طامش ، نسیم حیاتی تنفس
ایتمش ، مغشوش اولدینی اجسامدن تطهیر ایچون آتشد ایدیلن
آتون کولچلری کی او مصائب سایه سنده کنیدیسی محیط بولنان شو
طبیعت عمیای کینه نك محکوم تأثیری اولمقندن قورتیله رق سر انسانیتی
آکلامش ایکن قالمش ده بو آلام ومصائبک وجودینه اعتراض ایدیور .
حال بوکه اونک ایلمک مریدیسی بولردر .

ذاتاً بویله بر استشکالک نفی صانع مقصدیله ایرادی هیچ بر زمان
صحیح اوله ماز . آنجق خالق مطلقدن کائناتی شو صورتده یار اتماسنده کی
حکمتی سؤال ایچون بویله بر خاطره بلکه سرد اوله بیلیر . زیرا بز
بر صحرانک اورته سنه قورولمش اولوب کلن کچن قوشلری یاقه لایان
بر طوزاق کوردیکمز زمان اونی حکمتدن عاری بر اذا صورتنده تلقی
ایده بیلیرز . لکن محضا بو ایشده بر اذا وارد دیرک طوزاغک بر
صانع طرفدن نصب ایدلمش اولدینغی ادعا طوغرو اوله ماز . چونکه
بویله بر ادعاده بولمق ایچون حیوانانک بیه قبول ایتیه جکی قدر سخافت
عقل ایستر !

بناءً علیه او طوزاغی کورنجه اولا اونی قوران وقوش طوتمق
مقصدیله ترتیب ایدن بر صانعک وجودینه حکم ایتک وجوب قطعی ایله
واجب اولور . صوکره صانعک او آلتی بو صورتده ترتیب ایتسنده کی
حکمتی صورمق ، فقط او یله عنف وشدتله دکل ، رفق وملایتله صورمق
حقنی قازانیرز . او یله یا احتمالکه صانع او ترتینه قارشى معقول بر سبب ،
مقبول بر معذرت سرد ایدرده بز لومه ناحق یره قالمیشمش اولورز .

ما بعدی وار محمد فرید وجدی
منزجی : محمد عاکف

هامش — شیروانی م . حامد افندی حضرتلریته :

مطالعات فاضلانه کزی بک متین ، بک مصیب کوردک ، افرادی آره سنده سزک
کی دوشونلر بولدرجه امت مرمومه نك فلاحندن امید کسمه یه سبب کوره میورز .
حکیمانه ، خیر خواهانه اخطار اتکزه عن صمیم القلب تشکرلر ایدرز . ترجمه سی امرا
بو یوریلان مباحث ذاتاً حدیقه فکریده مندیج اولدینی کی انشاء الله « ماوراء
الماده » بحثی ده آیریمجه یازارز ، افندم .

ازهر حادثه سنه داز

ازهر حادثه مؤلمه سی حقنده بروسه مبعوث محترمی طاهر بک